

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

FIVE IMPORTANT TIPS TO HELP NOVICE
ATHLETES IN SPORTS CONFIDENCE

Turmeric & Coffee

The Suprising Ingredient Generating Short-Pulsed Laser

EMAIL CARBON FOOTPRINT

A SOURCE FOR GREENHOUSE GASES EMISSIONS

Creating Happiness

IN WORK AND LIFE IN SOCIETY: A RELIGIOS PERSPECTIVE

Teknik Pengucapan

BARACK OBAMA

eISSN 2600-9811



Publication Date
7 November 2023

BUNGA RAYA DAN KOMUNIS^{***} DI GERIK, PERAK

Bunga raya? Komunis? Apa kaitannya?

Bunga Raya merupakan Bunga Kebangsaan Malaysia yang telah diisytiharkan pada 28 Julai 1960 oleh Perdana Menteri kita pada ketika itu. Namun apakah kaitannya dengan komunis? Mari kita kenali sedikit sebanyak latar belakang komunis di Tanah Melayu ini terlebih dahulu.

Gerakan komunis di Tanah Melayu bermula sejak era 1920-an lagi. Salah satu tempat yang menjadi lubuk pihak komunis adalah Gerik, Perak. Sejarah hitam telah berlaku di situ pada tahun 1974 yang mana pihak komunis telah menyerang pekerja-pekerja pembinaan Lebuhraya Gerik-Jeli atau kini lebih dikenali sebagai Lebuhraya Timur-Barat. Kejadian ini berlaku pada era darurat kedua di Malaysia yang mana pihak komunis telah kembali mengganas antara tahun 1967 hingga tahun 1989. Kenangan pahit yang tercatat dalam lipatan sejarah ini memberi kesan kepada negara umumnya dan keluarga mangsa serta warga setempat khususnya.



By:

¹NIK NOOR AFIZAH AZLAN

²FAIZATUL AKMAM AMIRRUDIN

³MAZLAN MAT

¹Fakulti Pengurusan dan Perniagaan
Universiti Teknologi MARA Cawangan Terengganu

²Fakulti Pengurusan dan Perniagaan

Universiti Teknologi MARA Cawangan Selangor

³Lembaga Hasil Dalam Negeri Malaysia, Terengganu

*Emel koresponden: nikno561@uitm.edu.my

Warga Perak atau sesiapa sahaja yang melalui lebuh raya ini mungkin mengetahui sedikit sebanyak kisah tragedi tersebut. Malah jika anda perasan, bermula dari sempadan daerah Jeli memasuki daerah Gerik, pasti akan kelihatan beberapa pokok bunga raya selang beberapa ratus meter di sepanjang jalan tersebut sehingga ke bandar Gerik. Bagaimana di tengah-tengah hutan Banjaran Titiwangsa itu terdapat beberapa pokok bunga raya tumbuh dengan hanya berselang beberapa ratus meter di antara satu sama lain? Pernahkah anda terfikir? Atau barangkali anda terlalu leka dengan keindahan hutan di sepanjang lebuh raya tersebut tanpa terfikir apa-apa?

Berdasarkan perbualan antara salah seorang penulis kami dengan pekerja



kebersihan lebuh raya tersebut, pokok-pokok bunga raya itu membawa maksud yang tersendiri dan sangat berkait rapat dengan aktiviti-aktiviti bekas komunis atau saki-baki pihak komunis yang masih ada di



Sumber: pekhobar.com

kawasan Gerik itu (menurut beliau). Pokok-pokok ini merupakan penanda bagi lokasi-lokasi yang sesuai untuk mereka melintas dan menyeberangi jalan dari kawasan hutan atau bukit bertentangan. Malah mereka akan melintas atau menyeberangi lebuh raya berkenaan hanya di kawasan yang terdapat pokok-pokok bunga raya itu sahaja, dan bukannya di tempat lain. Pekerja kebersihan tersebut memaklumkan yang beliau sering kali terserempak dengan mereka yang menyeberangi lebuh raya tersebut melalui pokok-pokok berkenaan.

Ujarnya lagi, mereka sering keluar di awal pagi dan lewat malam untuk mendapatkan sumber makanan. Pernah juga mereka membuat sekatan jalan raya terhadap lori-lori yang membawa makanan di lebuh raya tersebut pada tengah malam

namun, tiada kecederaan atau keganasan dilaporkan. Pekerja kebersihan itu malah menasihati salah seorang penulis kami agar sentiasa berhati-hati apabila melalui lebuh raya ini terutamanya pada waktu lewat



malam bagi mengelakkan perkara yang tidak diingini berlaku.

Namun, apakah kaitannya bunga raya sebagai penanda jalan dan laluan pihak komunis ini? Mengapa bunga raya yang dipilih sedangkan terdapat pelbagai jenis bunga liar yang tumbuh di Banjaran Titiwangsa tersebut? Sehingga kini, ia masih menjadi MISTERI...

...

Rujukan:

Abd Hamid, A., (2016). Pengorbanan Dalam Kenangan. Carian dari: <https://www.mstar.com.my/lain-lain/ren-cana/2016/01/27/lebuhraya-timur-barat>
Arkib Negara Malaysia (n.d). Gerakan Komunis di Tanah Melayu. Carian dari: http://www.arkib.gov.my/web/guest/gerakan-komunis-di-tanah-melayu1?p_p_

id=56_INSTANCE_R9Nv&p_p_lifecycle=0&p_p_state=normal&p_p_mode=view&p_p_col_id=col-umn-inner-3&p_p_col_count=1&page=6
Jasbindar, F.A., (2019). Peristiwa Hitam Disebalik Pembinaan Lebuhraya Gerik Jeli (Timur Barat). Carian dari: <https://www.orangperak.com/peristiwa-hitam-disebalik-pembinaan-lebuhraya-gerik-jeli-timur-barat.html>
Pekhabar, (2016). Pelancaran Pembinaan Lebuh Raya Timur Barat. Carian dari: <https://pekhobar.com/h-i-d-s-pelancaran-pembinaan-lebuhraya-timur-barat/>
Sharifah Nur Syafiqah, (2023). Sejarah Bunga Raya & Macam Mana Boleh Dipilih Jadi Bunga Kebangsaan Malaysia. Carian dari: <https://www.therakyatpost.com/uncategorized/2023/08/30/sejarah-bunga-raya-macam-mana-boleh-dipilih-jadi-bunga-kebangsaan-malaysia/>



BizNewz 2023
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com